

# POČINJE REKONSTRUKCIJA PUTNOG PRAVCA PREMA NASELJU VRAN POTOK

Autor gorazde.ba

Utorak, 12 Septembar 2017 15:33

---



Dugogodišnji problem sa neadekvatnom putnom komunikacijom za mještane naselja Vran potok ubrzo će biti riješen. Naime, Grad Goražde već dugi niz godina aplicira prema višim nivoima vlasti sa projektom rekonstrukcije pomenutog putnog pravca, a nakon što je odobren projekat danas je u Maloj sali Gradske uprave Grada Goražda i svečano potpisan veoma važan ugovor o ustupanju radova na rekonstrukciji putnog pravca Biserna – Vran potok.

Ugovor su potpisali gradonačelnik dr.sci. Muhamed Ramović, direktor Ureda za koordinaciju projekta – PCU pri Federalnom ministarstvu poljoprivrede, vodoprivrede i šumarstva IFAD-a, Halil Omanović, te direktor firme „Okac“ d.o.o. Halil Oković.

Ukupna vrijednost potpisanog ugovora je 399.834,38 KM, od čega Grad Goražde finansira pomenuti projekat sa 224.834,38 KM, dok Ured za koordinaciju projekta – PCU učestvuje sa 175.000,00 KM.



## POČINJE REKONSTRUKCIJA PUTNOG PRAVCA PREMA NASELJU VRAN POTOK

Autor gorazde.ba

Utorak, 12 Septembar 2017 15:33

---

Govoreći o važnosti ovog projekta gradonačelnik dr.sci. Muhamed Ramović u izjavi za medije je istakao – "Godinama smo željeli da riješimo problem putnog pravca prema naselju Vran potok i projekat je oko 10 puta bodovan sa najboljim ocjenama, ali nije došlo do realizacije projekta. U momentu kada je bilo sve spremno desile su se poplave u Sjevernoj BiH, tako da su sredstva sa Federalnog nivoa preusmjerena, nakon čega smo aplicirali da ovo bude prvi projekat kod IFAD-a i zaista smo sretni što je IFAD ponovo u Goraždu na čelu sa prof. Halilom Omanovićem koji je prijatelj Goražda i evo danas smo potpisali jedna veoma važan ugovor koji se odnosi na rekonstrukciji putnog pravca prema naselju Vran potok koji je vrijedan 399.834,38 KM, od čega će Grad Goražde finasirati pomenuti projekat sa 224.834,38 KM, dok Ured za koordinaciju projekta – PCU odnosno IFAD učestvuje sa 175.000,00 KM. Rok da se radovi završe je 90 dana od dana uvođenja u posao. Pratićemo stanje na terenu i ukoliko bi se desile nepredviđene situacije kao što su niske temperature svakako bi odgodili postavljanje asfalta do mjeseca aprila. Također, radimo i druge projekte na području Grada, ali sa IFAD-om imamo slijedeća dva projekta, a to je sekundarna mreža za poljoprivredne proizvođače, projekat koji radimo sa Svjetskom bankom i put Brzača – Goršić polje u dužini od 2,5 km, tako da je veoma važno što je IFAD ponovo u Goraždu i mi smo tu da sufinansiramo ove projekte."



Da IFAD nastavlja sa realizacijom projekata na području grada Goražda naglasio je direktor Ureda za koordinaciju projekta – PCU, pri Federalnom ministarstvu poljoprivrede, vodoprivrede i šumarstva IFAD-a, Halil Omanović – "Ovo je nastavak aktivnosti u okviru IFAD 6 projekta od dijela sredstava namijenjenih ruralnoj infrastrukturi u vidu izgradnje seoskih puteva, sistema vodosnbdjevanja, natapanja parcela, seoskih hladnjača itd. Danas smo potpisali ugovor sa Gradonačelnikom Goražda za izvođenje radova na asfaltiranju puta prema naselju Vran potok. Imamo namjeru da iz sredstava IFAD-a finansiramo još projekat vodonatapanja parcela, odnosno površina koje su u primarnoj mreži obuhvaćene projektom Svjetske banke, gdje su već urađeni bazeni i treba da se ta voda dovede do svake parcele ljudi koji će koristiti tu vodu za navodnjavanje za proizvodnju povrća."